

Na osnovu člana 104. Statuta općine Ilijaš ('Službene novine Kantona Sarajevo' br. 20/09-prečišćeni tekst i 46/18), te člana 99. Poslovnika o radu Općinskog vijeća Ilijaš ('Službene novine Kantona Sarajevo' br. 2/10 i 18/15), Općinsko vijeće Ilijaš na svojoj \_\_\_\_\_sjednici održanoj \_\_\_\_\_.2021. godine, donijelo je :

## ZAKLJUČAK

### Član 1.

Prihvata se Nacrt Odluke o izvršavanju Budžeta općine Ilijaš za 2021. godinu i stavlja na javnu raspravu.

### Član 2.

Nacrt Odluke o izvršavanju Budžeta općine Ilijaš za 2021. godinu stavlja se na javnu raspravu, kako slijedi :

- objavom putem web strane općine Ilijaš
- objavom na oglasnoj ploči općine Ilijaš
- javnom prezentacijom u sali Općinskog vijeća

U javnoj raspravi učestvovat će : građani, javna preduzeća, javne ustanove, mjesne zajednice, budžetski korisnici, političke stranke i ostale asocijacije i udruženja građana.

### Član 3.

Javna rasprava o Nacrtu Odluke o izvršavanju Budžeta općine Ilijaš za 2020. godinu. se određuje u trajanju od 15 dana, počev od 26.02.2021. godine do 12.03.2021. godine.

### Član 4.

Nakon provedene javne rasprave primjedbe i prijedloge će se dostaviti Službi za privredu i finansije u pisanoj formi ili putem e-maila, najkasnije do 15.03.2021. godine - 12,00 sati.

Primjedbe i prijedlozi dostavljeni poslije navedenog roka neće biti uzeti u razmatranje.

### Član 5.

Ovaj Zaključak stupa na snagu danom donošenja.

Broj: 01 / 1 - 02 – \_\_\_\_\_ /21  
Ilijaš , 25.02.2021.godine

Predsjedavajuća  
Općinskog vijeća Ilijaš

Alma Omerović, BA nov.

## **NACRT !**

Na osnovu člana 7. stav 2. Zakona o budžetima u Federaciji BiH ('Službene novine Federacije BiH' br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 13. Zakona o principima lokalne samouprave u Federaciji BiH („Službene novine Federacije BiH“ br. 49/06 i 51/09), člana 55. i 104. Statuta općine Ilijaš ('Službene novine Kantona Sarajevo' br. 20/09–prečišćeni tekst i 46/18), te člana 99. Poslovnika o radu Općinskog vijeća Ilijaš ('Službene novine Kantona Sarajevo' br. 2/10, 18/15 i 7/19), Općinsko vijeće Ilijaš na svojoj \_\_\_\_ sjednici održanoj \_\_. \_\_. 2021. godine, donijelo je :

# **ODLUKE**

## **o izvršavanju Budžeta općine Ilijaš za 2021. godinu**

### **I OPĆE ODREDBE**

#### **Član 1.**

Ovom odlukom utvrđuje se forma i struktura prihoda i primitaka, rashoda i izdataka Budžeta općine Ilijaš za 2021. godinu (u daljem tekstu : Budžeta), način njegovog izvršavanja, upravljanje prihodima i primitcima te rashodima i izdacima Budžeta, prioritet plaćanja, finansijsko izvještavanje, revizija i kontrola Budžeta, ovlaštenja Općinskog načelnika, te prava i obaveze korisnika budžetskih sredstava u izvršavanju Budžeta, kazne za neispunjene obaveze i druga pitanja vezana za izvršavanje Budžeta u tekućoj godini.

#### **Član 2.**

Budžet je procjena godišnjih prihoda i primitaka, te utvrđenih iznosa rashoda, izdataka i finansiranja Općine te kroz projekte raspoređene u tekuće i kapitalne programe, koji donosi Općinsko vijeće.

Budžet se donosi za fiskalnu 2021. godinu, odnosno za period od 01. januara do 31. decembra 2021. godine.

#### **Član 3.**

Svi prihodi i primici, rashodi i izdaci iskazuju se u Budžetu prema bruto principu.

Budžet mora biti uravnotežen tako da ukupni prihodi i primici pokrivaju ukupne rashode i izdatke.

Obaveze na teret Budžeta tekuće godine mogu se preuzimati samo za namjene i do visine utvrđene u posebnom dijelu Budžeta, ako su za to ispunjeni svi zakonom, ovom odlukom i drugim propisima utvrđeni uslovi.

#### **Član 4.**

Prijedlozi odluka i drugih propisa i akti koje donosi Općinsko vijeće u okviru obrazloženja moraju sadržavati i obrazloženje fiskalne procjene posljedica na budžet iz koje se mora vidjeti povećavaju li se ili smanjuju prihodi ili rashodi budžeta.

### **II SADRŽAJ BUDŽETA**

#### **Član 5.**

Budžet se sastoji od općeg i posebnog dijela i plana razvojnih kapitalnih programa (kapitalnog budžeta).

Opći dio Budžeta čini Račun prihoda i primitaka, te rashoda i izdataka i račun finansiranja.

U Računu prihoda i primitaka iskazuju se porezni i neporezni prihodi, kao i drugi prihodi i primici i neutrošeni prihodi budžeta iz 2020.godine razvrstani po ekonomskoj i fondovskoj klasifikaciji.

Namjenske donacije i transfer koji nisu planirani u budžetu a ostvare se u toku godine postaju sastavni dio budžeta na osnovu Odluke Općinskog načelnika o priznavanju i unosu sredstva odnosno raspodjeli sredstava, kojom se javno definiše pozicija za knjiženje i utrošak ostvarenog prihoda.

Posebni dio Budžeta sastoji se od plana rashoda i izdataka budžetskih korisnika raspoređenih u tekuće i kapitalne izdatke za tekuću budžetsku godinu, razvrstanih po ekonomskoj i fondovskoj klasifikaciji, te zbirnog pregleda budžetskih izdataka po funkcionalnoj klasifikaciji.

Plan razvojnih kapitalnih programa (kapitalni budžet) sastoji se od programa budžetskih korisnika koji sadrži naziv programa i potrebna sredstva.

#### Član 6.

Svi javni prihodi i primici Budžeta, uključujući i prihoda koje budžetski korisnici ostvaruju obavljanjem osnovne djelatnosti po posebnim propisima, uplaćuju se na depozitni račun i iskazuje po izvorima iz kojih potiču.

Platni promet vrši se putem jedinstvenog računa trezora Općine Ilijaš, odnosno putem depozitnog i više transakcijskih računa otvorenih kod ovlaštenih organizacija platnog prometa.

#### Član 7.

Priznavanje prihoda i primitaka, te rashoda i izdataka putem sistema Glavne knjige provodi se po načelu modificiranog nastanka događaja.

Prihodi se priznaju u onom periodu kada su mjerljivi i raspoloživi, to jest kada su uplaćeni na račun, a primici ako je izvjesno da će biti naplaćeni u obračunskom periodu.

Rashodi i izdaci priznaju se u onom periodu kada je obaveza nastala.

## II IZVRŠAVANJE BUDŽETA

#### Član 8.

Budžetski korisnici su Općinsko vijeće i Jedinstveni općinski organ uprave.

Budžetski korisnici mogu koristiti sredstva budžeta u skladu sa svojim finansijskim planovima samo do visine utvrđene namjene u posebnom dijelu Budžeta.

#### Član 9.

Služba za privredu i finansije nadležna je za izradu kvartalnih operativnih planova, kojima se predviđa priliv i odliv sredstava za JRT, a koji predstavljaju osnov za izvršavanje budžeta.

U skladu sa operativnim planom i raspoloživim sredstvima, na osnovu zahtjeva organa i službi vrši se rezervacija sredstava za realizaciju projekata i izmirenje obaveza.

#### Član 10.

Općinski načelnik u skladu sa zakonskim propisima izvršava Budžet Općine.

Svaki utrošak sredstava Budžeta mora biti odobren od Općinskog načelnika ili lica koje ovlasti Općinski načelnik.

Općinski načelnik je dužan svake godine za prethodnu budžetsku godinu za period u kojem je obavljao poslove Općinskog načelnika popuniti Izjavu o fiskalnoj odgovornosti.

## Član 11.

Budžet se izvršava u skladu sa njegovim likvidnim mogućnostima i po sljedećim prioritetima:

a) Sredstva za rad budžetskih korisnika

1. Otplata duga i kamata
2. Plaće
3. Obaveze za materijal i druge troškove za rad budžetskih korisnika
4. Naknade za rad vijećnika i radnih tijela u Općinskom vijeću
5. Naknade zaposlenih
6. Tekući transferi
7. Ostalo

b) Namjenska sredstva

1. Naknade po sudskim presudama
2. Ugovorene obaveze i završetak započetih projekata
3. Tekući poslovi na održavanju objekata komunalne i druge infrastrukture
4. Investiciono održavanje objekata
5. Novi kapitalni projekti
6. Grantovi drugim nivoima Vlade
7. Ostalo

## Član 12.

Budžetski korisnici su dužni u izvršenju Budžeta uskladiti dinamiku realizacije obaveza po Budžetu sa dinamikom priliva i odliva sredstava.

Izuzetno ako u toku godine zbog nastanka novih obaveza dođe do povećanja rashoda ili se smanje prihodi može se donijeti odluka o obustavljanju izvršavanja pojedinih rashoda ili izdataka u trajanju od 45. dana. Odluku donosi Općinski načelnik.

Mjerama privremenog obustavljanja izvršenja budžeta Općinski načelnik može :

1. Zaustaviti preuzimanje obaveza i/ili ;
2. Predložiti produženje ugovorenih rokova plaćanja i/ili ;
3. Zaustaviti preraspodjelu budžetskih sredstava potrebnu radi preuzimanja obaveza ;

## Član 13.

Ako mjere iz člana 12. stav 2. ne daju rezultate pokreće se postupak Izmjena i dopuna Budžeta.

Ako se tokom godine zbog izvanrednih prilika i potreba povećaju izdaci ili smanje prihodi ili primici, Budžet se mora uravnotežiti sniženjem planiranih izdataka ili pronalaženjem novih prihoda. Pored toga ako prihodi značajno porastu Općinski načelnik može odlučiti da se započne sa postupcima Izmjena i dopuna Budžeta.

Uravnoteženje se provodi putem Izmjena i dopuna Budžeta po postupku i proceduri za donošenje Budžeta. Izmjene i dopune Budžeta donese se po postupku i proceduri jednog čitanja.

## Član 14.

Pomoćnici Općinskog načelnika su odgovorni za potpunu i pravovremenu naplatu prihoda i primitaka iz svoje nadležnosti i dužni su provesti sve zakonom propisane radnje radi naplate potraživanja iz svoje nadležnosti.

U slučaju da su potrebna eventualna izdvajanja sredstava iz budžeta po sudskoj presudi nadležna služba obavještava i podnosi zahtjev sa konkretnom instrukcijom Službi za privredu i finansije za rezervaciju potrebnih sredstava.

Pomoćnici Općinskog načelnika i Sekretar Općinskog vijeća kao nosioci realizacije odobrenih programa i aktivnosti iz svoje nadležnosti odgovorni su za zakonito izvršavanje svih rashoda i izdataka u skladu sa utvrđenom namjenom.

Programi i aktivnosti koji sa sobom nose trošenje budžetskih sredstava i zaključivanje dužničko-povjerilačkih odnosa ne mogu biti pokrenuti bez prethodne saglasnosti i rezervisanja sredstava od strane Službe za privredu i finansije.

Odgovorna lica koja u skladu sa utvrđenom procedurom prate realizaciju ugovorenih obaveza svojim potpisom knjigovodstvene isprave potvrđuju da su izvršili provjeru pravnog osnova, te utvrđenu visinu obaveze koja iz nje proizilazi, te da su saglasni sa izmirenjem obaveze.

#### Član 15.

Općinski načelnik na prijedlog Službe za privredu i finansije, može donijeti Odluku o prestrukturiranju rashoda u okviru ukupnog iznosa odobrenog za budžetskog korisnika, najviše do 10 % ukupno odobrenih rashoda i izdataka za budžetskog korisnika.

U okviru odobrenog Budžeta, preraspodjela sredstava unutar budžetskog korisnika za iste kategorije rashoda neograničeno je dozvoljena.

#### Član 16.

Sredstva utvrđena u Budžetu - ekonomski kod 611000 – Bruto plaće i naknade zaposlenih, isplaćivat će se u skladu sa Odlukom o plaćama i naknadama u organu uprave Općine Ilijaš, a u skladu sa zakonskim propisima, pozakonskim i internim aktima općine Ilijaš.

Osnovica za obračun plaće se utvrđuje sporazumom između Općinskog načelnika i predstavnika sindikata, a u skladu sa odredbama člana 5. Stav 3. Zakona o plaćama i naknadama u organima vlasti Federacije BiH i projekcijom Budžeta za 2021.godinu i iznosi 330,00 KM.

#### Član 17.

Sredstva utvrđena u Budžetu – ekonomski kod 613000 – Izdaci za materijal, sitni inventar i usluge raspoređuje Općinski načelnik shodno operativnom planu budžetskih korisnika.

#### Član 18.

Sredstva utvrđena u Budžetu :

- ekonomski kod 613975/613971 – Naknade zastupnicima i komisijama Općinskog vijeća isplaćivat će se shodno Odluci o visini naknade vijećnicima, članovima stalnih i povremenih radnih tijela Općinskog vijeća Ilijaš, na bazi mjesečnih obračuna koje sastavlja Sekretar Općinskog vijeća.
- ekonomski kod 613971 – izdaci za komisije općinskog vijeća-naknada članovima Općinske izborne komisije isplaćuje se mjesečno shodno Odluci o visini naknade za rad članova izborne komisije osnovne izborne jedinice u BiH ;
- ekonomski kod 613977 – izdaci za članove savjeta MZ isplaćivat će se shodno mjesečnom obračunu koji sastavlja Pomoćnik načelnika za društvene djelatnosti i poslove mjesnih zajednica, a u skladu sa Odlukom o visini naknade za rad članova Savjeta mjesnih zajednica Općine Ilijaš ;
- ekonomski kod 613973 – izdaci za volonterski rad po osnovu ugovora o volontiranju isplaćuju se na način i u skladu sa Ugovorom o volontiranju ;

- ekonomski kod 613978 – izdaci za jedinicu i članove štaba CZ isplaćivat će se shodno mjesečnom obračunu koji sastavlja Pomoćnik načelnika za civilnu zaštitu, a u skladu sa zaključkom Općinskog načelnika kojima se reguliše visina naknade i način obračuna ;
- ekonomski kod 613972 – izdaci za komisije tehničkog pregleda objekata isplaćuju se u skladu sa rješenjem donesenim od strane Službe za prostorno uređenje i zaštitu okoliša ;
- ekonomski kod 613974 – izdaci za rad komisija organa uprave isplaćuju se u skladu sa rješenjima donesenim od strane Općinskog načelnika ;
- ekonomski kod 613976 – ostali izdaci za druge samostalne djelatnosti i povremeni samostalni rad isplaćuju se u skladu sa Ugovorima sklopljenim između nosioca posla i Općinskog načelnika ;

#### Član 19.

Sredstva utvrđena u Budžetu :

- ekonomski kod 614124 – Transfer za izbore, transferiše se u skladu sa zahtjevom Općinske izborne komisije za pokrivanje administrativnih i drugih troškova provođenja Općih i lokalnih izbora te izbora za organe mjesnih zajednica
- ekonomski kod 614121 – JU KSC i Radio Ilijaš, transferiše se u principu mjesečno u visini do 1/12 plana.
- ekonomski kod 614114 – Pravobranilaštvo Kantona Sarajevo, transferišu se u principu mjesečno u visini do 1/12 plana, a u skladu sa potpisanim Sporazumom
- ekonomski kod 614121 – Transfer za Dan Općine, raspoređuje se u skladu sa utvrđenim Programom obilježavanja Dana Općine a na prijedlog Organizacionog odbora.
- ekonomski kod 614121 – Transfer za manifestaciju „Ilijaški Dani“ transferiše se u skladu sa Planom i programom Organizacionog odbora manifestacije
- ekonomski kod 614114 – transfer za kanton – MUP PS Ilijaš transferisat će se u skladu sa Odlukom donesenom od strane Općinskog načelnika ;
- ekonomski kod 614181 – transfer za Centar za socijalni rad transferisat će se u skladu sa Odlukom donesenom od strane Općinskog načelnika ;
- ekonomski kod 614111 – transfer za Memorijalni centar Srebrenica-Potočari, transferisat će se na način i u skladu sa potpisanim Memorandumom između Općine Ilijaš i Memorijalnog centra Srebrenica-Potočari ;
- ekonomski kod 615125 – transfer za nabavku školskog pribora za učenike prvih razreda, transferisat će se u skladu i na način sa potpisanim Ugovorom o nabavci i isporuci.

#### Član 20.

Sredstva utvrđena u Budžetu :

- ekonomski kod 614221 – Novčane pomoći nezaposlenim isplaćivat će se na osnovu Odluke o odobravanju i isplati jednokratne novčane pomoći osobama u stanju socijalne potrebe, na bazi odluka odobrenih od strane Općinskog načelnika, a na prijedlog Komisije za zdravstvo, informisanje, socijalna i vjerska pitanja Općinskog vijeća po kriterijima utvrđenim odlukom Općinskog vijeća.
- ekonomski kod 614221 – Novčane pomoći za liječenje isplaćivat će se na osnovu Odluke o odobravanju novčane pomoći za liječenje, na bazi odluke odobrene od strane Općinskog načelnika, a na prijedlog Komisije za rješavanje zahtjeva za dodjelu novčane pomoći teško oboljelih lica sa područja općine Ilijaš imenovane od strane Općinskog načelnika a u skladu sa Odlukom o uslovima, kriterijima i načinu dodjele novčane pomoći u pratećem rješenju liječenja teško oboljelih lica sa područja Općine Ilijaš
- ekonomski kod 614221 – Novčane pomoći nezaposlenim – troškove smještaja isplaćivat će se na ime troškova privremenog smještaja, na osnovu pojedinačnih odluka i



- prijedloga od strane Pomoćnika načelnika za saobraćaj, stambeno komunalne poslove i građenje, a u skladu sa zaključkom Općinskog načelnika koji reguliše ovu oblast.
- ekonomski kod 614222 – Novčana pomoć invalidnim licima isplaćivat će se paraplegičarima-ratnim vojnim invalidima sa mjestom stanovanja na području općine Ilijaš, na osnovu rješenja Službe za opću upravu, boračko invalidsku i socijalnu zaštitu kojim se utvrđuje status paraplegičara, u pojedinačnoj visini do 200,00 KM mjesečno.
  - ekonomski kod 614225 – Zdravstvena zaštita lica u stanju socijalne potrebe, uplaćivat će se licima u stanju socijalne potrebe sa mjestom stanovanja na području općine Ilijaš na osnovu rješenja Službe za opću upravu, boračko invalidsku i socijalnu zaštitu kojim se utvrđuje obaveza uplate u visini 20,00 KM mjesečno na ime zdravstvenog osiguranja na ime nosioca prava po ovom osnovu.
  - ekonomski kod 614232 – Izdaci za vojne invalide, ranjene borce i porodice poginulih isplaćivat će se na osnovu spiskova dobitnika najviših ratnih priznanja, odobrenih od strane Pomoćnika načelnika za opću upravu, boračko invalidsku i socijalnu zaštitu.
  - ekonomski kod 614239 – Izdaci za ostale tekuće transfere – dječiji dodatak uplaćivat će se ratnim vojnim invalidima sa mjestom stanovanja na području općine Ilijaš na osnovu rješenja Službe za opću upravu, boračko invalidsku i socijalnu zaštitu, a u skladu sa odredbama Zakona o dopunskim pravima boraca Kantona Sarajevo.
  - ekonomski kod 614239 – Jednokratne novčane pomoći porodiljama na ime provođenja mjera natalitetne politike isplaćiva će se na osnovu pojedinačnih rješenja donesenih od strane Pomoćnika načelnika za opću upravu, boračko invalidsku i socijalnu zaštitu a u skladu sa Odlukom o uslovima, kriterijima i načinu dodjele jednokratne novčane pomoći porodiljama donesene od strane Općinskog načelnika
  - ekonomski kod 614253 – Izdaci za pogrebne troškove (vojni invalidi, ranjeni borci i porodice poginulih) isplaćivat će se na osnovu pojedinačnih rješenja donesenih od strane Pomoćnika načelnika za opću upravu, boračko invalidsku i socijalnu zaštitu.
  - ekonomski kod 614221 – Podrška mjerama ekonomskog osnaživanja lica u stanju socijalne potrebe isplaćivat će se u skladu sa potpisanim Sporazumom između Općine Ilijaš i donatora.
  - ekonomski kod 614234 – Stipendije isplaćivat će se mjesečno na osnovu Plana Općinskog vijeća o stipendiranju učenika i studenata i Ugovora o stipendiranju potpisanih sa korisnikom stipendije.
  - ekonomski kod 614242 – Transfer licima sa invaliditetom (djeca sa specijalnim potrebama) isplaćivat će se na bazi pojedinačnih odluka odobrenih od strane Općinskog načelnika po kriterijima utvrđenim odlukom Općinskog vijeća.
  - ekonomski kod 614243 – Transfer za mobilnost mladi isplaćivat će se na bazi Odluke donesene od strane Općinskog načelnika a u skladu sa Pravilnikom o uvjetima, načinu i postupku dodjele sredstava iz transfera za mobilnost mladih donesenom od strane Općinskog vijeća.

## Član 21.

Sredstva Posebne naknade za zaštitu i spašavanje od prirodnih i drugih nesreća odobrava Općinski načelnik na osnovu Plana korištenja sredstava posebne naknade za zaštitu i spašavanje od prirodnih i drugih nesreća općine Ilijaš za 2021. godinu kojeg donosi Pomoćnik načelnika Civilne zaštite, u skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu i spašavanje od prirodnih i drugih nesreća.

Sredstva po osnovu Naknade za izgradnju i održavanje javnih skloništa odobrava Općinski načelnik na osnovu Plana korištenja sredstava naknade za izgradnju i održavanje skloništa na području općine Ilijaš za 2021. godinu kojeg donosi Pomoćnik načelnika Civilne zaštite.

## Član 22.

Sredstva utvrđena u Budžetu :

- ekonomski kod 614323 – Transfer parlamentarnim klubovima OV-a – način izvršenja kao i raspored ovih sredstva izvršit će se na osnovu Odluke o finansiranju parlamentarnih grupa, koja je donesena od strane Općinskog vijeća, i odobrenim obračunom od strane Službe za privredu i finansije i Sekretara Općinskog vijeća ;
- ekonomski kod 614311 – Sredstva za osnovne i srednje škole, svojom odlukom odobrava Općinski načelnik, na prijedlog Službe za društvene djelatnosti i poslove mjesnih zajednica. Sa korisnicima odobrenih sredstava sklopit će se ugovor o finansiranju-sufinansiranju odabranih projekata, kojim se korisnici sredstava obavezuju da dostave izvještaj (narativni i finansijski) o utrošku odobrenih sredstava ;
- ekonomski kod 614311 – Sredstva za JU OMBŠ Sarajevo – područno odjeljenje Ilijaš osnovne i srednje škole, transferiše se u principu kvartalno, a u skladu sa potpisanim Sporazumom ;
- ekonomski kod 614311 – Tekući transfer za prevenciju maloljetničke delikvencije odobrava se na prijedlog Službe za opću upravu, boračko invalidsku i socijalnu zaštitu a u skladu sa Odlukom Općinskog načelnika ;
- ekonomski kod 614311 – Tekući transfer za podršku DVD za aktivnosti zaštite i spašavanja od požara na području Općine Ilijaš odobrava se na prijedlog Službe za civilnu zaštitu a u skladu sa Odlukom Općinskog načelnika ;
- ekonomski kod 614311 – Tekući transfer za projekte UNDP-a – Jačanje usloge MZ u BiH transferiše se u skladu sa potpisanim Sporazumom a na prijedlog Službe za društvene djelatnosti i poslove mjesnih zajednica ;

#### Član 23.

Sredstva utvrđena u Budžetu :

- ekonomski kod 614515 – podsticaj poljoprivrednoj proizvodnji – realizovat će se na osnovu Odluke o novčanim podrškama u poljoprivrednoj proizvodnji na području općine Ilijaš za 2021. godinu, koju će donijeti Općinsko vijeće.
- ekonomski kod 615511 – subvencije za sufinansiranje razvojnih projekata i ekonomskih mjera realizovat će se na osnovu Odluke Općinskog načelnika i potpisanog ugovora između Općinskog načelnika i korisnika subvencije ;
- ekonomski kod 615520 – subvencije za razvoj poduzetništva i obrta realizovat će se na osnovu Odluke Općinskog vijeća i potpisanog ugovora između Općinskog načelnika i korisnika subvencije ;
- ekonomski kod 614525 – subvencije za podsticaj, rast i razvoj MSP i obrta – regresiranje kamatne stope, transferisat će se u skladu sa potpisanim ugovorom između Općine i odabrane banke za plasiranje kreditne linije na ime subvencioniranja dijela kamatne stope.

#### Član 24.

Sredstva za realizaciju tekućih transfera neprofitnim organizacijama mogu se realizovati jednokratno, mjesečno, tromjesečno ili polugodišnje, u jednakim ratama, zavisno od dinamike priliva budžetskih sredstava.

- Tekući transfer za Općinske organizacije : Crveni križa, Narodna kuhinja, MDD Merhamet, UG Penzioneri i UG „Budi mi drug“ transferišu se u principu mjesečno u visini do 1/12 plana, a u skladu sa potpisanim sporazumima o finansiranju odobrenih od strane Općinskog načelnika uz konsultaciju sa Službom za opću upravu, boračko invalidsku i socijalnu zaštitu. Kontrolu utroška odobrenih sredstava mjesečno će vršiti



Služba za opću upravu, boračko invalidsku i socijalnu zaštitu u saradnji sa Službom za privredu i finansije.

- Tekući transferi za redovan rad i aplikacije programa boračkih udruženja rasporedit će se na osnovu godišnje odluke Općinskog načelnika, koju će predložiti Komisija imenovana od strane Općinskog načelnika, a u skladu sa provedenom konkursnom procedurom za odabir korisnika sredstva iz budžeta.
- Tekući transferi za finansiranje javnog interesa općine Ilijaš u oblasti sporta vršit će se na osnovu o Pravilnika o kriterijima za finansiranje javnog interesa općine Ilijaš u oblasti sporta, a raspored sredstava će se vršiti na osnovu godišnje odluke Općinskog načelnika, koju će predložiti Komisija imenovana od strane Općinskog načelnika, uz konsultacije sa nadležnom službom a u skladu sa provedenom konkursnom procedurom za odabir korisnika sredstva iz budžeta
- Tekući transfer za ostale organizacije odobrava se na osnovu programskih zahtjeva koje odobrava Općinski načelnik na osnovu godišnje odluke Općinskog načelnika, koju će predložiti Komisija imenovana od strane Općinskog načelnika, uz konsultacije sa nadležnom službom a u skladu sa provedenom konkursnom procedurom za odabir korisnika sredstva iz budžeta.
- Tekući transfer za kulturu odobravaju se na osnovu programskih zahtjeva, a na osnovu godišnje odluke Općinskog načelnika koju će predložiti Komisija imenovana od strane Općinskog načelnika, uz konsultacije sa nadležnom službom, a u skladu sa provedenom konkursnom procedurom za odabir korisnika sredstva iz budžeta.
- Tekući transfer za mlade odobravaju se odobravaju se na osnovu programskih zahtjeva, a na osnovu godišnje odluke Općinskog načelnika koju će predložiti Komisija imenovana od strane Općinskog načelnika uz konsultacije sa nadležnom službom, a u skladu sa provedenom konkursnom procedurom za odabir korisnika sredstva iz budžeta.
- Tekući transfer za Fondacija za pružanje pravne pomoći pripadnici ARBiH, transferisat će se u korist računa „Udruženje demobilisanih branilaca odbrambeno oslobodilačkog rata 1992.1995 – Općinska organizacija Ilijaš“ na osnovu pojedinačnih odobrenja od strane Općinskog načelnika uz konsultaciju sa Službom za opću upravu, boračko invalidsku i socijalnu zaštitu. Kontrolu utroška odobrenih sredstava periodično će vršiti Služba za opću upravu, boračko invalidsku i socijalnu zaštitu u saradnji sa Službom za privredu i finansije.
- Ostali tekući transferi – aplikacije programa – odobravaju se po pojedinačnim tokom cijele godine a po programskim zahtjevima i u skladu sa pojedinačnim odobrenjima od strane Općinskog načelnika uz konsultacije sa nadležnom službom. Sa korisnicima odobrenih sredstava sklopit će se ugovor o finansiranju-sufinansiranju odabranih projekata, kojim se korisnici sredstava obavezuju da dostave izvještaj (nativni i finansijski) o utrošku odobrenih sredstava. Kontrolu utroška odobrenih sredstava mjesečno će vršiti Služba za društvene djelatnosti i poslove mjesnih zajednica u saradnji sa Službom za privredu i finansije.

#### Član 25.

Sa korisnicima odobrenih sredstava iz člana 24. stav 1. alineja 2 do 7, sklopit će se ugovor o finansiranju-sufinansiranju odabranih projekata.

Korisnici tekućih transfera neprofitnim organizacijama su obavezni po okončanju projekta ili realizaciji odobrenih sredstava dostaviti nadležnoj službi izvještaj (nativni i finansijski) o namjenskom utrošku sredstava sa odgovarajućom finansijskom dokumentacijom a najkasnije do okončanja budžetske godine, a što je preduslov za dalje finansiranje.

Udruženja kojima se odobravaju sredstva za rad, dužna su dostaviti završni račun ovjeren od FIA (najkasnije do 28.02.), održati izvještajne skupštine do kraja mjeseca maja, i dostaviti resornim

službama zapisnik sa skupštine, izvještaj o radu i finansijski izvještaj, odluku o usvajanju izvještaja i program rada za tekuću godinu sa finansijskim planom za tekuću godinu.

U slučaju nepoštivanja odredbi iz stava 2. i 3. Općinski načelnik može svojom Odlukom zaustavljati finansiranje za tekuću godinu, odnosno isti ne mogu biti korisnici budžetskih sredstava za narednu godinu.

#### Član 26.

Sredstva utvrđena u Budžetu – ekonomski kod 615110 – kapitalni transferi drugim nivoima vlasti realizuju se po odobrenju Općinskog načelnika na osnovu potpisanih protokola, odnosno ugovora ili sporazuma sa korisnikom transfera, odnosno ugovora za izvođenje radova, usluga i nabavke opreme.

Sredstva utvrđena u Budžetu – ekonomski kod 615210 – kapitalni transferi pojedincima realizuju se po odobrenju Općinskog načelnika na osnovu potpisanih protokola, odnosno ugovora ili sporazuma sa korisnikom transfera, odnosno ugovora za izvođenje radova, usluga i nabavke opreme a putem Službe za saobraćaj, stambeno-komunalne poslove i građenje.

Sredstva utvrđena u budžetu – ekonomski kod 615300 – kapitalni transferi neprofitnim organizacijama realizuju se po odobrenju Općinskog načelnika na osnovu zaključaka, ugovora, protokola ili sporazuma, odnosno ugovora za izvođenje radova, usluga i nabavke opreme

Sredstva utvrđena u budžetu – ekonomski kod 615410 – kapitalni transferi javnim preduzećima realizuju se po odobrenju Općinskog načelnika na osnovu zaključaka, protokola ili sporazuma, odnosno ugovora za izvođenje radova, usluga i nabavke opreme

U skladu sa odobrenim programom i potpisanim dokumentom korisnici odobrenih sredstava se obavezuju da do kraja fiskalne godine (31.12.) dostave izvještaj (narativni i finansijski) o utrošku odobrenih sredstava, a što je preduslov za odobravanje u narednoj budžetskoj godini.

Sredstva iz stava 1. do 4. ovog člana mogu se realizovati jednokratno, mjesečno, tromjesečno, polugodišnje, u jednakim ratama, u ovisnosti od priliva sredstava i planiranog perioda realizacije.

#### Član 27.

Sredstva utvrđena u budžetu 821100 – nabavka zemljišta realizuju se po odobrenju Općinskog načelnika, putem Službe za imovinsko pravne poslove, geodetske poslove i katastar, a uređenje zemljišta putem Službe za prostorno uređenje i stambeno komunalne poslove, na osnovu i Programa uređenja gradskog građevinskog zemljišta, u skladu sa Zakonom o prostornom uređenju.

Sredstva utvrđena u budžetu – ekonomski kod – 821200, 821300 i 821500, 821600 – nabavka građevina, opreme, sredstava u obliku prava, rekonstrukcije i investiciono održavanje realizuju se po odobrenju Općinskog načelnika na osnovu potpisanih ugovora o nabavci radova, usluga i opreme putem resornih službi.

#### Član 28.

Sredstva za infrastrukturne objekte u kojima je predviđeno i učešće građana mogu se koristiti tek kada sredstva građana planirana budžetom budu uplaćena u korist računa budžeta, odnosno nakon izvršenja uplate može se pristupiti realizaciji projekta.

#### Član 29.

Postupak nabavke roba, radova i usluga će se provoditi u skladu sa Zakonom o javnim nabavkama („Službene glasnik BiH“ br. 39/14), Pravilnikom o načinu stvaranja obaveza, Pravilnikom o direktnim nabavkama i Planom nabavki za 2021. godinu.

#### Član 30.

Hitni i nepredviđeni izdaci koji se pojave u toku budžetske godine podmiruju se iz sredstava tekuće rezerve.

O korištenju sredstava tekuće rezerve odlučuje Općinski načelnik.

Budžetsko izdvajanje za tekuću rezervu ne smije prijeći 3 % ukupnih prihoda, isključujući primitke.

O sredstvima tekuće rezerve Budžeta odlučuje Općinski načelnik koji polugodišnje izvještava Općinsko vijeće o eventualnoj upotrebi navedenih sredstava.

#### Član 31.

Ako se tokom godine na osnovu zakona i drugih propisa poveća nadležnost budžetskog korisnika što zahtjeva povećana sredstva ili se osnuje novi korisnik, sredstva se osiguravaju iz Budžetske rezerve, a na osnovu odobrenja Općinskog načelnika.

Ako se tokom godine na osnovu zakona ili drugog propisa umanje nadležnosti budžetskog korisnika ili se korisnik ukine, neutrošena sredstva se prenose u budžetsku rezervu ili na korisnika koji je preuzeo njegove poslove.

#### Član 32.

Pogrešno ili više uplaćeni javni prihodi, vraćaju se uplatiocu iz sredstava Budžeta u skladu sa odredbama Pravilnika o procedurama za povrat više ili pogrešno uplaćenih javnih prihoda sa jedinstvenog računa trezora općine.

Rješenje o povratu pogrešno uplaćenih sredstava donosi Općinski načelnik odnosno lice koje ovlasti Općinski načelnik..

#### Član 33.

Općina je obavezna investirati neangažovana sredstva u svrhu povećanja resursa budžeta, a u skladu sa uslovima propisanim Zakonom o investiranju javnih sredstava („Službene novine Federacije BiH“ 77/04 i 48/08).

### III ZADUŽIVANJE I UPRAVLJANJE DUGOM

#### Član 34.

Općina Ilijaš može stvarati obaveze po osnovu zaduživanja i izdavanja garancija u skladu sa Zakonom o budžetima u Federaciji Bosne i Hercegovine i Zakonom o dugu, zaduživanju i garancijama u Federaciji Bosne i Hercegovine (Službene novine FBiH „86/07, 24/09 i 44/10“).

Odluku od visini zaduživanja i garancijama donosi Općinsko vijeće, a na prijedlog Općinskog načelnika.

#### Član 35.

Općina Ilijaš se može zadužiti u sljedeće svrhe :

- za finansiranje kapitalnih investicija i posebnih programa odobrenih od Općinskog vijeća;

- za plaćanje, na temelju izdatih garancija Općine, u potpunosti ili djelomično u slučajevima kada zajmoprimac ne isplati svoje obaveze;

#### Član 36.

Općina može izdati garanciju samo za finansiranje kapitalnih investicija, i samo pod uslovom da je pravna osoba koja je zajmoprimac sredstava pravna osoba čiji je većinski vlasnik Općina ili je pod nadzorom Općine.

Općina vodi popis duga, izdatih jamstava i zajmova, a evidentira ih u sistemu Glavne knjige trezora.

### **IV FINANSIJSKO IZVJEŠTAVANJE**

#### Član 37.

Općinsko vijeće razmatra i usvaja polugodišnji i godišnji izvještaj o izvršenju Budžeta u rokovima predviđenim Zakonom o budžetima Federacije BiH.

Općinskom vijeću se dostavlja informacija o izvršenju budžeta za period I – III i I - IX.

#### Član 38.

Služba za privredu i finansije dužna je podnositi Kantonalnom ministarstvu finansija mjesečne i kvartalne finansijske izvještaje.

#### Član 39.

Komisija za administrativna pitanja, budžet, privredu, finansije i ekonomska pitanja vrši uvid u ostvarenje prihoda i rashoda Budžeta Općine, kao i raspolaganje i korištenje budžetskih sredstava od strane korisnika tih sredstava, prati izvršavanje zakona i akata Općinskog vijeća iz ove oblasti, te predlaže Općinskom vijeću donošenje odgovarajućih mjera za racionalnije korištenje budžetskih sredstava.

### **V REVIZIJA**

#### Član 40.

Reviziju godišnjih finansijskih izvještaja u skladu sa Zakonom o budžetima u Federaciji BiH vrši Ured za reviziju budžeta u Federaciji BiH.

### **VI ZAVRŠNE ODREDBE**

#### Član 41.

Za sva pitanja koja nisu regulisana ovom Odlukom, a tiču se načina izrade, donošenja, izvršavanja Budžeta, zaduživanja, duga, računovodstva, nadzora i revizije Budžeta, primjenjivat će se odredbe važećih zakona.

#### Član 42.

Odgovorno lice budžetskog korisnika, nosilac izvršene vlasti kao i drugo lice odgovorno za izvršavanje Budžeta kaznit će se za kršenje ove Odluke u skladu sa odredbama člana 102. i 103. Zakona o budžetima u Federaciji BiH.

#### Član 43.

Budžet, Odluka o izvršavanju Budžeta, Izmjene i dopune Budžeta, te Odluka o privremenom finansiranju i Godišnji izvještaj o izvršenju Budžeta objavit će se u Službenim novinama Kantona i na Web stranici Općine u roku od 10 dana od dana donošenja.

#### Član 44.

Ova odluka stupa na snagu danom objavljivanja u 'Službenim novinama Kantona Sarajevo', a primjenjivat će se za fiskalnu 2021. godinu.

Broj : 01 / 1 - 02 – \_\_\_\_\_ / 21  
Ilijaš, \_\_.\_\_.2021. godine

**PREDSJEDAVAJUĆA  
OPĆINSKOG VIJEĆA ILIJAŠ**

Alma Omerović, BA nov.

## OBRAZLOŽENJE

Pravni osnov za donošenje Odluke o izvršavanju Budžeta općine Ilijaš za 2021.godinu, prije svega, nalazi se u odredbama Zakona o Budžetima FBiH ("Službene novine Federacije BiH" broj 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) u članu 7. stav 2. a u vezi sa članovima 46. do 62 (poglavlje VIII) kojim se bliže reguliše materija izvršavanja budžeta.

Također, pravni osnov za donošenje se nalazi se u članu 13. stav 1. Zakona o principima lokalne samouprave (Službene novine Federacije BiH" br. 49/06 i 51/09) kojim su po principu enumeracije nabrojane nadležnosti Općinskog vijeća, te odredbama člana 55. i 104. Statuta Općine Ilijaš ('Službene novine Kantona Sarajevo' br.20/09 i 46/18) kojim su propisane nadležnosti Općinskog vijeća za donošenja akata i drugih propisa, odnosno u konkretnom slučaju Budžeta općine, kao i odredbama članova 99. i 102. Poslovnika Općinskog vijeća Ilijaš ("Službene novine Kantona Sarajevo" br. 2/10 i 18/15) kojima je propisano koje vrste akata donosi Općinsko vijeće.

Ova Odluka u biti predstavlja provedbeni dokumenat Budžeta općine Ilijaš za 2021. godinu, mada je ova materija praktično u potpunosti regulisan zakonima, smatramo da se na ovaj način još preciznije utvrđuju obaveze i odgovornosti Općinskog načelnika i budžetskih korisnika, kao i prava i obaveze Općinskog vijeća u procesu izvršavanja Budžeta, a sve u cilju da Budžet općine učinimo još transparentnijim.

Obzirom da su u samoj Odluci, sva rješenja o načinu izvršenja Budžeta data precizno i jasno, cijenimo da nije potrebno posebno dodatno obrazloženje.

Predlažemo Općinskom vijeću da u skladu sa Poslovnikom o radu Općinskog vijeća predloženi tekst prijedloga navedene Odluke usvoji.

Služba za privredu i finansije

PREDLAGAČ :  
OPĆINSKI NAČELNIK  
Fazlić Akif